

〔淇園文集序〕書唐僧獨立批書本草綱目首○中

獨戴曼公人莫詳其履歷及見其書偈叙云明浙江杭州府學秀才恥以虜陷明庭人心盡死棄儒隱醫久之遂附交易賈舶歸化於我會黃藥隱元禪師亦歸化而東遂染薙爲僧改名□□而從之及偕東來山城開萬福寺以居會隱元歿遂代主其寺然則人皆知其歸化闡教之浮屠也而莫能□其忼慨激烈燭蹈東海一男子也豈非其所遇合有幸與不幸哉鈴鹿生家藏獨立所貯本草一部每卷有朱墨書批評皆其蹟也蓋生家世業刀圭其祖以皆翁師北山壽菴叟叟以良驗治術鳴於一世叟乃傳其業於獨立是故家得傳此書又傳獨立醫方學之龔雲林皆奇聞也○中于時明和己丑季冬朔日杏林雜話望月鹿門曰爲醫者宜邃于本草貝原篤信著大和本草最有効於我而雖殊方異域藥石亦不可不識焉

〔先民傳〕醫下術福山德順爲人沈毅有識從南部先生景受經且究心于本草先是本國無通本草者唯盧草碩考究是書作藥性集要德順請從而學之乃得其傳延寶中移業攝水專倡其學名著當代弟子從講業者日多而賀州之稻若水學之稱最自此而後世傳本草藥性皆本於福山氏

〔皇國名醫傳後編〕中稻生若水○中

本草之學以辨氣性爲主西土據其名求其產尙且不能無差失我邦隔海萬里因彼名以求我物欲其不繆抑亦難矣故我之爲斯學須先討究名物然後及于氣性古昔地有藥園之設職有采藥之使又命深江輔仁撰本草和名以布于世好生之德可謂至矣中世喪亂百度頽弛醫學弗講斯典亦廢矣慶元革除神祖留心醫藥如吉田宗恂辨珊瑚栢枝蒙嘉賞稱爲異聞當時諸醫於藥物氣性各有撰著然率不過因陳演腐爲課蒙之資要屬草創至肥前向井元升筑前貝原篤信○註等始對照彼我親驗物產既而稻生宜義者出著庶物類纂一千卷其徒承而精之高者足以駕西土諸家而上之也矣江戶又有阿部照任特以此學顯於是本草名物遂爲一科矣後道本草者率祖稻生阿部二氏